



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1442. usque ad annum 1460

**Fleury, Claude**

**August. Vind. [u.a.], 1768**

**VD18 90118324**

§. 79. Turbæ in Germania

---

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

tur, ut junctis viribus & animis ad tam Sæcul. XV.  
A.C. 1458.  
salutare opus concurrere haud negligere-  
rent. Attamen Bessarion ob mutua Prin-  
cipum dissidia, ac jamjam imminens belli  
periculum adeo turbatam reperiebat re-  
rum faciem, ut nequidem alloqui co-  
piam nancisceretur.

## §. LXXIX.

*Turbæ in Germania.*

Prima dissidiorum causa erat, quod Mat-  
thias Hungariæ Rex sacram coronam  
a Cæsare detentam sibi non restitui æ-  
gerrime ferret; hac enim, quamdiu in-  
signitus non esset, tamdiu juxta super-  
stitiosam illius patriæ consuetudinem  
nunquam legitimam regni possessionem  
acquirere potuisset, sed nonnisi nu-  
dum Regis nomen gessisset.

Ex altera parte Podiebracius conti-  
nua, quæ Imperator clam, palamque  
indies contra stabile illius Regimen in  
Bohemia fovebat, molimina penitus erat  
pertæsus, atque omnibus Friderici exau-  
ctorationem suadentibus faciles aures  
præbebat. Præterea Albertus IV. Fri-  
derici frater, & Sigismundus I. Austriæ  
Dux ejusdem Patruelis, necnon Bavarie  
Dux, Moguntinus, & Palatinus Rheni E-  
lectores, ac omnes ferme Germani ad-  
versus Cæsarem conspirabant. Quocir-

Sæcul. XV.  
A. C. 1458.

ca conjurationis tempestas ob violentiam potentissimorum Principum, qui turmatim confluerant, usque adeo increverat, ut eorum furor jamjam Cæsaris capiti impendisset, nisi fortunæ subsidio, ac Brandeburgensis Marchionis favore, qui conspirantium audaciæ pro viribus resistebat, ipse periculum evitasset, & ab exitio vix declinando liber evasisset.

§. LXXX.

*Imperator Hungariæ & Bohemiæ  
Reges placare intentus.*

Equidem Imperator Matthiam & Podiebracium sibi conciliabat; cum horum primo Bohemiæ coronam redderet, alteri vero ampliora dare clam polliceretur. Præprimis autem Podiebracio spondit, quod in posterum nullo pacto eum in Regni sui possessione turbaturus, imo potius ipsi Pontificem, quem eidem minus propensum noverat, foret devincturus. His addidit Cæsar, quod tanta etiam solertia ejus commodis, utilitati-que apud sacram Sedem servire velit, ut semper prohiberetur Pontifex, ne quicquam Bohemici Regni juribus adversum moliri posset. Rebus ita a Friderico Cæsare compositis, conjurationis tempestas ita sedata est, ut jam totus Cæsaris furor in reliquos factionis socios sese atrocius